

Extractum Nucum Juglandis.

E Nucibus Juglandis nondum maturis in mortario lapideo cum pauxillo Aquae contusis, exprime succum, quem in balneo aquae ad Extracti crassitudinem redige.

Extractum Rhei compositum.

(Loco Extracti catholici et panchymagogi.)

R. Extracti Rhei Uncias tres,  
Aloes Unciam unam.

3,60 - 2,40 - 1,80  
1,20 - 0,80 - 0,60

Mixtis adde

Saponis jalappini Unciam unam,  
in Spiritu vini rectificato solutam. In balneo aquae evaporet, agitando, ad massae pillularis spissitudinem.

1,20 ~~0,80~~ - 0,60  
6,00 | 4,00 | 3,00

Fel Tauri inspissatum.

Fel Tauri recens in balneo aquae ad Extracti spissitudinem evaporet.

Ferrum oxydatum fuscum.

(Crocus Martis aperitivus.)

R. Crystallorum Ferri sulphurici quantum vis.  
Solve in Aqua calida, filtra, et instillando  
Liquorem Kali carbonici  
praecipita, praecipitatum Aqua calida sedulo edulcora,  
sicca et serva.

### Ferrum oxydulatum nigrum.

(*Aethiops martialis.*)

℞. Ferri oxydati fuscii, quantum placet.

Irrora

Olei Olivarum quantitate sufficiente, ut fiat pulvis humidiusculus, qui in retortam vitream immisus, ad siccum destillet, igne ad pulveris fere excaescentiam aucto. Residuum nigerrimi coloris tere, et in vitro obturato serva.

### Ferrum pulveratum.

(*Limatura Martis praeparata.*)

Ferrum purum, lima in scobem reductum, in mortario ferreo assidue teratur, et pollen subtilissimum, per linteum separandum, in vitro obturato servetur.

### Ferrum sulphuricum crystallisatum.

(*Vitriolum Martis.*)

℞. Acidi sulphurici concentrati Uncias duodecim.

Misce in cucurbita vitrea cum

Aquae communis quadruplo,

successive immitte

Ferri puri limati Uncias octo.

Effervescencia cessante repone per horam supra arenam calidam; tum filtra et lege artis in crystallos redige.